

বেসরকারী শিক্ষক কর্মচারীদের ধর্মঘট

শিক্ষক সমন্বয় পরিষদের ডাকে দু'দফা দাবীর সমর্থনে দেশের সোয়া লাখ বেসরকারী শিক্ষক ও অন্যান্য কর্মচারী গতকাল শনিবার থেকে অবিরাম ধর্মঘট শুরু করেছেন। ঢাকাসহ দেশের সর্বত্র এই ধর্মঘট পালিত হয়।

শিক্ষক সমন্বয় পরিষদের নেতৃবৃন্দ এক সংবাদ বিজ্ঞপ্তির মাধ্যমে শান্তিপূর্ণভাবে ধর্মঘটের প্রথম দিন অতিবাহিত হওয়ার সন্তোষ প্রকাশ করেন।

বরিশাল -

বরিশাল থেকে নিজস্ব সংবাদ-পাতার ফোন : বাংলাদেশ শিক্ষক সমন্বয় পরিষদের আহ্বানে গতকাল বরিশালে সকল বেসরকারী মাধ্যমিক শিক্ষকগণ ২-দফা দাবীর সমর্থনে অবিরাম ধর্মঘট শুরু করেছেন।

সকালে অশ্বিনী কুমার টাউন হল চত্বরে ধর্মঘটী শিক্ষকদের এক সমাবেশ ও পরে বিকোড মিছিল অনুষ্ঠিত হয়।

ধর্মঘটী শিক্ষকবৃন্দ আসন্ন এম এম সি পরীক্ষার কেন্দ্রসমূহ পরিচালনা কমিটির প্রস্তাবিত সভা বর্জন করেন এবং সরকারী বিদ্যালয়ের শিক্ষকদেরও সভায় যোগদানে বাধা প্রদান করেন। ফলে বরিশালে গতকাল এম এম সি সেন্টার কমিটির সভা অনুষ্ঠিত হয়নি।

শিক্ষক প্রহারের প্রতিবাদে

গাজীপুরে অধঃদিবস হরতাল পালিত

গাজীপুর, ২২শে ফেব্রুয়ারী (নিজস্ব সংবাদপাতার ফোন)।—
ভাওয়াল বদরে আলম সরকারী কলেজে ছাত্র সংগ্রাম পরিষদের সভায় হামলায় ২ জন প্রভাসক আহত হওয়ার ঘটনাকে কেন্দ্র করে আজ গাজীপুর জেলা সদরে সংগ্রাম পরিষদের ডাকে অধঃদিবস শান্তিপূর্ণ হরতাল পালিত হয়।